

MUHLURI LONKULU

WA MATIMBA

 Avuxeni, eka n'wina. I “Paseka ya Ntsako” swinene eka un’wana na un’wana wa n’wina! Leri hi rin’wana ra masiku ya kahle ku tlurisa, eku xiximiweni ka ku pfuka ka Hosi ya hina eku feni. Hi rin’wana ra masiku ya kahle ku tlurisa eka matimu hinkwawo ya misava. I ku pfuka eku feni. Naswona hi tsakile swinene ku va lahawani, mixo lowu, eka siku leri ra kahle. Naswona ku vona dyambu ri ri karhi ri xa, na swiluva swi ri karhi swi pfuka ku suka emisaveni, swilo hinkwaswo swi vulavula hi Paseka.

Kutani sweswi a hi korhamiseni tinhloko ta hina ntsena xinkadyana xin’we.

² Tatana, Xikwembu, hi ta eVukoneni bya Wena. Nakona hi languterile Wena ku va u hi nyiketa, mixo lowu, ntsena nkatekonyana wo engetelela ku suka eTilweni, ku khumbhanyana kun’wana ka Paseka eka mimoya-xiviri ya hina vinyi; leswaku, loko hi suka lahawani, hi nga ha vula leswaku, tanihi lavaya a va huma eEmawusi, “Xana timbilu ta hina a ti pfurhangga endzeni ka hina, hikwalaho ka Vukona bya Yenake?” Hikuva, ha swi kombela hi Vito ra Yena, na hikwalaho ka ku kwetsima ka Yena. Amen.

³ Ehenhla eka buku yo heteleta, kavanyisa ka vu²⁸ ka Evhangeli ya Mukwetsimi Matewu, na ndzimana ya vu⁷, ndzi navela ku hlaya eka tsalwa, tanihi loko hi nghena eka ntirho lowu.

Kutani fambani hi xihatla, mi ya byela vadyondzisiwa va yena leswaku u pfukile eku feni; kutani, vonani, u ta mi rhangela emahlweni ku ya eGaleliya; mi ta ya n’wi vona kona: hi sweswo, ndzi mi byerile.

⁴ Ku vile na swileriso swo tala leswikulu leswi nga nyikiwa munhu na vanhu va misava leyi. Kambe a ku se tshama ku va na xileriso xa nkoka swonghasi lexi nga nyikiwa kukotisa lexi, “Fambani mi ya byela vadyondzisiwa va Yena leswaku U pfukile eku feni.” Xexo i xileriso lexikulu. Nakona ndlela yin’we ntsena leyi lexi a xi ta nyikiwa hi yona, a ku ri hikwalaho ko va ku fanele ku va na ku hlula lokukulu, ku sungula.

⁵ Ku vile na munhu eka masiku ya hina, na le ka masiku lawa ya nga hundza, na le ka matimu lamakulu ya misava leyi, eka letikulu ta yona, timbala to anama ta nyimpi; ku vile na vahluri vo tala lavakulu, swilo swo tala swa kahle leswi nga endleriwa rixaka ra ximunhu.

⁶ Eka xikombiso, ndzi le ku ehleketeni, loko ndzi ri karhi ndzi rhelela mixo lowu, ndzi pfukile ka ha ri mpundzu, nakona a ndzi vanga na nkarhinya wo hlaya swinene. Hikuva, a ndzi nga swi tivi leswaku i xiphemu xihi, eka vusiku lebyi nga hundza, lexi a hi ta va na xona namuntha, exikarhi ka mina na mufundhisi, eswikhongelweni. Kambe egondzweni ra mina, ndzi tikumile ndzi ri karhi ndzi ehleketa leswi, mixo lowu, swi nga ta va swo antswa ku tlurisa leswi ndzi tivaka ku swi vula eka vanhu va Yena, ku teka hungu. Ndzi anakanyile hileswi, "Fambani mi ya byela vadyondzisiwa va Yena." Sweswi, *vadyondzisiwa* va Yena i "valandzeri" va Yena. *Mudyondzisiwa* hi "loyi a landzelaka." Nakona ndzi anakanyile hi dyondzo leyi, ya, *Muhluri Lonkulu Wa Matimba*.

⁷ Kutani ku ehleketa leswaku i vahluri vangani lavakulu lava hi nga va na vona emisaveni leyi, na leswaku i swilo swihi swa kahle leswi va nga swi endla ku yisa emahlweni na ku antswisa ndlela ya munhu ya ku hanya. A ndzi ri karhi ndzi ehleketa hi Napoleon lonkulu, endzhaku hi siku ra yena, hilaha kahle-kahle a nga ri Mufurwa, kambe a ri na swin'wana emiehleketweni ya yena. Xo rhanga, a—a venga Furwa, a nga ri tsakeli. U tile ku suka eswhihlaleni. Kambe a ri na mianakanyo emiehleketweni ya yena, leswaku, siku rin'wana u ta hlula. Nakona xivangelo xa ku va a ri na leswi emiehleketweni ya yena, a fanele ku va na xin'wana xo tirhana na xona.

⁸ Eka munhu un'wana na un'wana, loko u nga se endla ntirho, u fanele ku va na nsusumeto wun'wana, ku lombetana kun'wana, swin'wana leswi u nga eku tirhaneni na swona, eka xikongomelo xa ku tirha, swin'wana swo tirha hi swona.

⁹ Tanihi laha hinkwerhu hi swi tivaka, hi ku teka matimu ya Hitler... kumbe, ku nga ri ya Hitler, kambe ya—ya Napoleon, leswaku u fambile hi n'weti, na hi ku cinca ka tinyeleti. U tirhile hi ndlela yaleyo, na ku langutela; hikuva nkarhi wun'wana u swi endlse xisweswo, kutani a kuma ku hlula. Kutani u tile eFurwa, kutani a hundzuka nhenga leyikulu. U dlayile vanhu vo tala, hikwalaho ko ka va nga pfumelelananga na yena. Nakona u basisile tiko ra yena hinkwaro, eka swin'wana na swin'wana leswi a swi lwisana na yena. Ntsena u swi herisile hi ku hetiseka, hikuva a fanele ku va na swona hi ndlela yaleyo. Loko a nga vanga na swona hi ndlela yaleyo, a ku ta va na swin'wana swo lwisana na yena nkarhi hinkwawo, na kungu ra yena lerikulu leri a ri na rona emiehleketweni ya yena. Vutomi bya yena n'winyi a byi ta va ekhombyeni, swingaleswi a boheka ku va na mfumo wa yena hinkwawo ntsena wu hetisekile tanihi laha a ta wu kuma hakona.

¹⁰ Ndzi le ku ehleketeni sweswi leswaku mi le ku ndzi landzeleni eka leswi, swa Muhluri lonkulu loyi ndzi n'wi ehleketa. Swin'wana na swin'wana eka Mfumo wa Yena swi fanele ku va swa Yena. Swi fanele ku va mbilu, moya-xiviri, na

miri, eka Yena. Ku nga ka ku nga vi na nchumu xo lwisana na Yena. Xin'wana na xin'wana lexi a xi lwisana na Yena, A ta fanelia ku xi hlongola. U fanele ku va na swin'wana na swin'wana eka Yena hi ku hetiseka. Kutani loko . . .

¹¹ Napoleon, u tekile switlhava-tlhavani, tiganunu, swibamu, swibalesa, matlharhi. Kutani u yile emahlweni na ku anakanya loku kun'we, leswaku a ta hlula misava. Nakona u swi endlile sweswo, eka malembe ya makumenharhu-nharhu. Loko a ha ri jaha, a ri mutshimbisi. Naswona ndhuma ya yena leyikulu yi n'wi endlile a tinyiketa vito hi yexe; nakona swi nghanile eminsiheni ya yena, kukondza a fa eka malembe ya makumenharhu-nharhu, a ri xilovekelo. Ndhuma ya yena, a nga ta yi yimela. Naswona ndzi ehleketa hi wanuna, loyi eka leswi, eka malembe ya makumenharhu-nharhu, a hluleke misava kutani a fa a ri xilovekelo, hikwalaho ka ndhuma ya yena, kutani a lahlekeriwa hi mhaka-nkulu leyi a lwela yona. A ri—a ri muxaka wa xifananiso, kumbe, ku nga ri xifananiso, ndzi nga vula tano, kambe a ri xitirhisiva xa javulosi. Na ku ringeta ku lwsa misava, nakona u tsandzekile, eka makumenharhu-nharhu.

¹² Kambe, oho, leyi yinkulu, Nhenha ya matimba leyi ndzi vulavulaka hi yona, eka malembe ya makumenharhu-nharhu, yi hlurile swilo hinkwaswo leswi a swi ri emisaveni na le—le tiheleni. Eka malembe ya makumenharhu-nharhu, Muhluri lonkulu wa matimba!

¹³ Ndzi le ku ehleketeni hi tinyimpi letikulu leti nga lwiwa etimbeleni. Ha swi tiva, ku heta hi Napoleon, leswaku u fikile emakumu ya yena eWaterloo. A ku ri nkateko wa mina, ku nga ri khale ngopfu, ku hlalela vuencenyeti lebyi nga endlifa bya masalelwa ya golonyi ya yena, na bya vakhandziyi va yena va tihanci na bya vavanuna, bya hilaha a va tshamile hakona erivaleni ra nyimpi. Nakona tigolonyi a ti pakiwile kun'we, mavhilwa ya tshovekile, kwale handle etimbeleni, ta laha nkombiso lowu wukulu wu endliwaka kona.

¹⁴ Kutani I xigevenga xa njhani lexi xi nga xiswona! Ku xiyisia wanuna luya eka makumenharhu-nharhu, na tingana leti etteleke lahaya eka xitsundzuxo xa nyimpi ya yena leyikulu na ku hlula; kutani ku ya eYerusalem, kutani u langutisa sirha leri nga riki na nchumu, tanahi xitsundzuxo xa Muhluri lonkulu wa matimba.

¹⁵ Hi mukhuva wun'wana, ku na xin'wana eku hlulen. Loko hi ri na xin'wana lexi hi xi lwelaka, loko ku ri na vuvabyi emirini wa hina, na ku va hi ri eku lweni exikarhi ka rifu na vutomi, i ku hlula ka njhani loko hi swi vona swi hluriwile. Loko hi ri karhi hi lwsana na wu n'wana ntolovel lowukulu, kumbe xin'wana lexikulu lexi xi nga eku hi karhateni, loko eku heteleleni mijeko leyikulu yi ndziwuluka nakona hi va hi xi hlurile; i matitwele ya

njhani lawa swi hi nyiketaka wona, endzeni ka hina, hikuva hi nga va vahluri hi nkarhi walowo.

¹⁶ Sweswi ndzi le ku ehleketeni hi nyimpi yo hetelela, na hilaha loko Hitler a ta va a tekile Warsaw. Nakona Majarimani a va ehleketa leswaku leswiya a ku ri kun'wana ka ku hlula lokukulu loku a ku ta va kona, hikuva ndhunankulu ya vona, Adolf Hitler, u tshame a mbombometa swilo hinkwaswo eWarsaw, a mbindzimuxa mabiloho, naswona biloho lerikulu ri wile. Maphepha a ya pakile swifaniso leswikulu swa ku wa ka biloho. Majarimani va machile hi xitarata, naswona va chayile tingoma na ku chaya switswiriri, naswona magidi-gidi ya swihahampfhuka swi hundzile ekusuhi na yena, tanahi loko a winile ku hlula ka yena lokukulu ko sungula. U humile kukotisa Alexander the Great, kumbe Napoleon, ku ya hlula misava, kambe xana u helele kwihi? Eka tingana. Hakunene, u swi endlile.

¹⁷ Ndza ha swi tsundzuka loko va aka Burma Pass liya yikulukumba. Ku fanele ku va... loko a va tsemakanyile hi le henhla ka ntshava. Van'wana va vafana va tshamile lahawani mixo lowu, kumbexana, lava nga tsemakanya ndlela liya yikulukumba. A ku ri ntirho wa njhani! I ntirho wo tanahi kwihi wa xiviri lowu swi nga wu teka, naswona i ntirho wa njhani wa xiviri lowu va nga wu endla! Naswona i mali muni leyi swi nga durha yona ku aka Burma Pass, timiliyoni ta tidolara! Vafana lava nga lahlekeriwa hi vutomi bya vona, eku endleni tano! Kambe eku heteleleni, nakona endzhaku ka xinkadyana, loko mayili yo hetelela ya ndlela yi ta va yi fambiwile, na loko ndlela yi ta va yi hetiwile, sweswi hilaha ku huwelela ka ku hlula ku nga tlakukisa xiswona ku suka eka vanhu! A va ri na ndlela leyi a va ta tsemakanya tintshava hi yona, ku ya wina ku hlula.

¹⁸ Ndzi le ku ehleketeni hi ndlela yin'wana, leyi siku rin'wana yi nga koxa vutomi bya Hosi ya hina leyi katekeke. A yi nga ri ntsena gondzo emisaveni, kambe a yi ri gondzonkulu leri vitaniwaka gondzonkulu ra "ku kwetsima," laha lava nga basangiki va nga ta ka va nga hundzi, kambe ntsena lava va nga funghiwa. Ntsena lava va nga eka tlhelero leri Yi nga eka rona, va ta hundza eka gondzonkulu leri.

¹⁹ Ku hlula lokukulukumba ku winiwile. Vo tala va hina namunthla hi nga swi tsundzuka kahle swa Nyimpi yo Rhanga ya Misava. Ndzi tsundzuka loko ndza ha ri xifanyetana, ndzi nga ha twa ku chayiya ka switswiriri; na hambi ku ri van'wamapurasi, emasin'wini, va yimisile tihanci ta vona, kutani va ndziwuluta swihuku swa vona. Va kalakarile. Va huwelela. Xana a ku humelerile yini-ke? Nyimpi a yi herile. Ku hlula a ku winiwile. Ikhonomi leyikulu leyi a hi lwela yona, eku heteleleni hi winile ku hlula.

²⁰ Ndzi le ku ehleketeni hi nyimpi leyi yo hetelela ya misava. A ndzi tshame ku tsemakanya hi xitarata. Kutani loko switswiriri

swi sungula ku chaya, vanhu a va tsutsumela emajarateni; vavasati va ambarile tifasikoti ta vona, a va ti hluvula, kutani va ti ndziwuluta emoyeni. Maqulu a ma haha ku hundza hi minsinya. Switswiriri a swi chayiwa. Timovha ti phikizana exitarateni. Vanhu va wile hi matsolo ya vona, naswona va yimisa mavoko ya vona. Va kalakala. Va rila. Hikokwalaho ka yini? Hikuva nyimpi a yi herile. Kutani lava nga kateka, vafana lava rhandzekaka lava a va tsemakanyile lwandle, ku nga ri khale a va ta va va ri karhi va tlutela ku vuya ekaya eka vona nakambe. I ku hlula ka njhani! I nkarhi wa njhani, na nyanyuko embilwini yin'wana na yin'wana! I jubili ya njhani! Vusiku byebyo, munhu un'wana na un'wana a ri eka misavu yo tano, a wu ta ya laha ku xavisiwaka swakudya u ya dya, kutani u humela ehandle naswona u nga swi hakelelanga, a swi ta va hinkwaswo swi lulamile. A wu ta tirhisa movha wa wanuna la landzelaka, a swi ta va hinkwaswo swi lulamile. A wu ta kombela leswi u swi lavaka, naswona a wu ta va kumbexani u swi kumile. Hikwalaho ka yini? Ku hlula a ku winiwile. Vafana a va ri eku vuyeni ekaya. A swi herile hinkwaswo.

²¹ Nakona ndzi le ku ehleketeni, makwerhu wa mina, swi bihile swinene ku va muxaka luwa wa matitwele wu nga tshami nkarhi hinkwawo. Kambe, eka Mukreste, mixo lowu, ku hlula ku winiwile. Swingelengele swa ntsako swi le ku rileni. Nyimpi yi herile, exikarhi ka Xikwembu na munhu. Ku hlula ku winiwile.

²² Loko ku hlula kun'wana na kun'wana ku nga se winiwa, ku fanele ku va na minxavo leyikulu yi hakeriwaka. Oho, i minxavo ya njhani! Naswona minkarhi yin'wana yi entile swinene, naswona yi endla swivati leswikulu, yi handzulela ehansi. Kambe, ku va hi ta va na tintshava, hi fanele ku va na nkova. Loko hi nga si va na ku tlhava ka dyambu, hi fanele ku kuma mpfula. Loko hi nga si va na ku vonakala, hi fanele ku kuma vusiku. Loko hi nga si va na swo lulama, a va fanele ku va na swo hoxeka, kumbe a wu nga ta pfuka u swi tivile leswi a swi hoxekile.

²³ Kambe ku va ku hluriwa ku tlhela ku winiwa nyimpi leyikulukumba leyi nga tshama yi winiwa, Un'wana u humile eVukwetsimelweni, malembe yo tala lawa ya nga hundza. Nakona A nga titekelanga xivumbeko xa Ntsumi eka Yena n'winyi. A nga tanga taniki munhu un'wana lonkulu. Kambe A ya eku khorwiseni ka leswaku a swi teki swibalesa swa milomo yo leha na maqulu, na tibomo ta athomiki, ku wina nyimpi. U tiambexile Yena n'winyi hi ku titsongahata, kukotisa xihlangi, naswona u tswariwile exitsengeleni. A ku ri hava na ndzhawu ya ku va a velekeriwa kona, loko A ta. Ndzi lava leswaku u langutisa switirhisiwa leswi hambaneke swa nyimpi, leswi A nga swi tirhisa.

²⁴ Sweswi, rixaka ra Adam hinkwaro a ri ri evuhlongeni. A va ri kwalahaya, va nga ri na ntshembho, va nga ri na Xikwembu,

va nga ri na nkarhinyana, va nga ri na ntsetselelo, va nga ri na nchumu lexi a xi ta va pfuna. Valala lavakulu, va xifundzhakulu xa lava lahlekeke, va miyetiwile emunyameni. A ku ri hava ndlela yo humela ehandle hi yona. A ku ri hava na un'we loyi a ta pfuna. A ku nga ta endliwa nchumu. A swi languteka kukotisa ku helela, ku lahlekeriwa loku hetisekeke.

²⁵ Kambe Nhenha ya hina, Leyi nga xika ku suka eminyangweni leyo saseka ya le Vukwetsimelweni, yi tienhliserile ehansi!

²⁶ Hikuva, a ku ri hava munhu emisaveni loyi a ta endla ntirho. Hinkwavo ka vona a va ri, tanihi mavulavulelo ya le misaveni, eka xikwekwetsu xin'we. A hi ri tano, hinkwerhu, "hi tswaleriwe evudyohweni, hi vumbiwa hi ku homboloka, hi ta emisaveni hi ri karhi hi vulavula mavunwa." Naswona ku hava lava a va ta pfunana eka hina. Hi yimile hi nga ri na ku pfuneka, hi hluriwile, mpfilumpfilu eka voko rin'wana na rin'wana, hinkwerhu hi nga hlangananga. A hi nga ta hlayisa milawu na mintirho ya ximfumo, ku kuma ku tsana ka yona na swin'wana na swin'wana, a hi nga ta swi endla. Nakona a swi tikomba ingaku rixaka hinkwaro ra ximunhu a ri cukumetiwile.

²⁷ Kutani U tile, U xikile. Hikuva, "A ri kona eku sunguleni," Bibele yi te, "A ri Rito." A ri Logos loyi a nga huma eka Xikwembu. Naswona Logos, eku sunguleni, a ri Rito. Naswona U hundzukile Rito. Kutani loko A tlhandlukile hi siku leriya ro kwetsima ra Paseka, A nga hundzukanga Rito ntsena, kambe U hundzukile Muprista Lonkulu wa Rito ra Yena N'winyi. Oho, i nchumu wo kwetsima njhani, Makwerhu Neville! Ntsena ehleketa hi swona! A ngari Rito ntsena, kambe hi Yena Muprista Lonkulu wa Rito ra Yena N'winyi. Xana hi nga swi kanakanisa ku yini-ke? Xana hi nga ya njhani eka Yena nakona hi nga pfumeli leswaku hi amukela leswi hi swi kombelaka-ke? Hikuva, hi Yena Rito na Mukhongeleri wa Rito! Logos u hundzukile Rito, naswona Rito ri endliwile nyama; naswona nyama leyi fanaka leyi a yi ri Rito, yi amukeriwile ehenhla eVukwetsimelweni, kutani sweswi yi Muprista Lonkulu la nga eku khongeleteni, hi Yexe, eka Rito ra Yena.

²⁸ Sweswo hileswi swi swi tekaka! Xexo i xitirhisiwa lexi Kereke yi nga na xona. I xithlavatlhavani xa njhani! A ku si tshama ku va na lexi xi kotisaka Xona. A ri Rito. Nakona loko A ta, U tswaleriwe exitsengeleni. U tile ku ta tirhisa xithlavatlhavani xa r-i-r-h-a-n-d-z-u, rirhandzu, ku hlula misava; ku nga ri hi maqulu ya vuthu ra nyimpi, ku nga ri hi swibamu swa muchini na tigolonyi letikulu ta nyimpi. Kambe U tile hi mukhuva lowu hambaneke. U tile hi xivumbeko xa rirhandzu. A ri rirhandzu ra Xikwembu.

²⁹ Nkarhi wun'wana, tanihi xifanyetana, a ndzi tshamela ku ehleketa leswaku Kreste a ndzi rhandza, naswona Xikwembu a

xi ndzi venga; hikuva Kreste u ndzi ferile, kambe Xikwembu a xi ri na swin'wana swo lwisana na mina. Kambe ndzi tile ndzi ta kuma leswaku Kreste hi yena mbilu yaliya ya Xikwembu. "Xikwembu xi rhandzile misava swonghasi, kukondza Xi nyikela N'wana wa Xona la nga tswariwa a ri swakwe, leswaku un'wana na un'wana la nga ta pfumela eka Yena a nga lovi, kambe a ta va na Vutomi lebyi nga Heriki."

³⁰ Sweswi Wa ta, ku sungula, ku ta hlula. Nakona xilo lexi javulosi a nga xi veka emisaveni a ku ri rivengo. Kutani U tile ku ta hlula rivengo. Loko hi wina tinyimpi ta hina, na swin'wana na swin'wana, emisaveni ya tinyimpi, swi tshama swi ri karhi swi siya, hi ku yisa emahlweni, rivengo; hikuva, tinyimpi ta muxaka walowo i ta nala. Kambe Kreste u ta na rirhandzu, ku ta hlula rivengo, ku ta rhandza lavaya va nga rhandzekiki. U ta na xitlhavatlhavani lexi hambaneke. Nakona U titsongahatile Yena hi yexe, "u endliwile loyi a nga ehansinyana ka Tintsumi," ku va a xaniseka hi rifu, na ku nyika xikombiso. Naswona loko A ha ri kwala misaveni, U fambile exikarhi ka vanhu.

³¹ U khorwisile xithlavatlhavani xa Yena xa nyimpi, loko A ta horisa vavabyi. Loko A tekile swinkwa swa ntlanhu leswintsongo na swiphemu swimbirhi swa tihlampfi, kutani a phamela ntlanhu wa magidi ya vanhu, U swi khorwisile leswaku A ri na matimba ehenbla ka athomo yin'wana na yin'wana leyi a yi ri kona. A nga andzisanga tihlampfi ntsena, kambe u andzisile tihlampfi leti swekiweke. A nga andzisanga koroni ntsena eka swinkwa leswiya, kambe U andzisile koroni leyi swekiweke eka swinkwa leswiya. A swi kombisa leswaku A ri Muhluri luya nkulukumba wa matimba! A nga kumanga mati ntsena ku suka exihlobyeni, kambe U endlile mati lawaya, vhinyo, ku suka exihlobyeni. U swi khorwisile leswaku A ri na Matimba ya ku hlula. Naswona U rhandzile, naswona xitlhavatlhavani xa Yena a ku ri rirhandzu. Sweswi xiyisisani.

³² Kuteloko A endlile sweswo, loko A ta yima siku rin'wana etlhelo ka sirha ra Lazaro, nakona a ku ri na wanuna, la feke, naswona a ri na mune wa masiku a lahliwile. Hambi ku ri lava a va ri kona, va te, "hambi ku ri sweswi wa nuhwa." Nhompfu ya yena a yi werile endzeni, swivungu swa nhlonge a swi kaserile eka yona. Nakona Yesu u yimile kwalahaya, tanahi Muhluri wa matimba, loko A ta byela Marita na Mariya, loko A yimile kwalahaya, "Xana a Ndzi mi byelanga leswaku, 'Loko ntsena mi pfumela, mi nga vona ku Kwetsima ka Xikwembu?'" A ha ku heta ku swi vula (loko va te, "makwerhu wa hina u file," na swin'wana na swin'wana), U te, "Hi mina ku pfuka na Vutomi! Loyi a pfumelaka eka Mina, hambiloko a file, u ta tlhela a hanya. Naswona mani na mani loyi a hanyaka naswona a pfumelaka eka Mina, a nge pfuki a file. Xana a ndzi mi byelanga leswaku lawaya ya nga Heriki, Matimba lawa ya katekisiweke ya tshama endzeni ka Mina-ke?" A nga kalanga a endla xitatimende ntsena, A swi

kota ku endla hinkwaswo leswi A swi vula, hikuva A ri Muhluri wa matimba.

³³ Lexi a xi tshamile eka Yena, xi ri karhi xi tifihla, xi funengetiwile hi nyama ya munhu, tanihu wanuna, kambe endzeni kwalahaya a ku nga tshamanga un'wana handle ka Xikwembu xa Matimba hinkwawo, Lonkulu wa matimba. A swi kota ku tumbuluxa hi vuntshwa. A swi kota ku tumbuluxa swilo leswintshwa. A swi kota ku vulavula, naswona leswi a swi kombela a swi ta nyikiwa hi sekene yaleyo. Kambe, U titsongahatile Yena hi yexe, U tilondlile. A lava ku nyika xikombiso. A lava ku va muxaka wa kahle wa Muhluri, naswona A ri yena. Sweswi, U tikhoriwisile Yena hi yexe ku va a ri yena.

³⁴ Tanihi laha ndzi nga swi vula ko tala enhlenegetanweni ya mina, kumbexana a swi nyika vumbhoni mixo lowu, eka ntlawa lowu wa vanhu, eka mixo lowo saseka wa Paseka. Manana, loyi a nga wa kereke yo karhi leyi nga pfumeriki eka ku amukeriwa ka Ngati ya Hosi Yesu. “Ehansi ka ku halatiwa ka Ngati, ku hava ku suriwa ka xidyoho.” U ndzi byerile leswaku Wanuna luya a ri muprefeta ntsena, Wanuna wa kahle, naswona mina ndzi n’wi endla la nga ni Vukwembu. Ndzi ku, “A ri ni Vukwembu. A ri Xikwembu.”

A ku, “U ringeta ku N’wi endla lonkulu ngopfu.”

³⁵ Ndzi ku, “Ku hava marito lawa ya nga hlamuselaka vukulukumba bya Yena!” Ririm i ra munhu a ri si tshama ri kuma marito!

³⁶ A ndzi ri karhi ndzi vulavula na wanuna siku rin’wana, mudiplomati wo huma eWashington, DC, nakona u vurile, eka vumbhoni lebyintsongo eka—eka xifihlulo laha a hi hlanganile kun’we, a ku, “Makwerhu Branham, ndzi vile Mulutere vutomi bya mina hinkwabyo. Kambe,” a ku, “siku rin’wana loko ndzi yile eka mpfuxelelo wa fexini ya xikhale,” a ku, “ndzi khinsamile ehansi ealtarini, naswona a ndzi lava ku va na ntokoto na Xikwembu.” A ku, “Kuteloko ndza ha ri lahaya ematsolweni ya mina . . .” Sweswi, loyi i mudiplomati wa le Washington loyi a nga tirha ehansi ka Presidente Cooledge. Kuteloko a “languta ehenhla,” u ri, “Ndzi vonile xivono xa Yesu.” A ku, “Ndza swi kota ku vulavula tindzimi ta nkaye to hambana-hambana, hi vuuenti.” A ku, “Kambe a ndzi ri kumanga rito rin’we ra ku ri vula, eka hinkwato tindzimi letiya ta nkaye.” A ku, “Swingaleswi ndzi yimisile voko ra mina, kutani A ndzi nyika lerintshwa, ro vulavula hi rona.” A ku, “Ndza ha ku vona ku Kwetsima ka xikandza xa Yena.”

³⁷ Manana loyi u byela mina, a ku, “Makwerhu Branham, Yesu a nga ri nchumu handle ka munhu, ntsena muprefeta.”

Ndzi ku, “A ri Xikwembu,’ sesi wa mina.”

³⁸ A ku, “U N’wi endla langa ni Vukwembu, kambe A nga yena.” Swingaleswi u te, “Ku rhelela hi gondzo, ku ya vumbuluxa . . . tshamisa, sirha ra Lazaro, Bibele yi te, ‘U ririle.’”

³⁹ Hakunene, A ri mbilu yaliya ya Xikwembu. U xanisekile kukotisa leswi hi xanisekisaka xiswona. A ri nyama kukotisa leswi hina hi nga nyama. A rhwele, emirini wa Yena, ku navela loku fanaka na swilo leswi hina hi swi endlaka. Hambiswiritano, u hundzukile Mhamba leyi hetisekeke, A fanele ku swi endla sweswo. U swi endlile. Kambe ndzi te . . .

A ku, “U ririle, loko a ri karhi a rhelela esirheni ra Lazaro.”

⁴⁰ Ndzi ku, “Kambe, oho, manana, sweswo swi lulamile. A ri Munhu, loko A ri karhi a rila. Kambe loko A yimile lahaya, etlhelo ka sirha leriya, laha loyi a nga miyela, mufi a etlerile kona; laha miri lowu boleke a wu etlerile kona, wu funengetiwile hi lapi; loko a ta ku, ‘Susani ribye.’ U vuyetile xifuremani xa yena kun’we, kutani a ku, ‘Lazaro, huma!’ Kutani wanuna la file, mune wa masiku, a yima hi milenge ya yena.”

⁴¹ Xana a ku ri yini? Ku bola ku tivile Mutumbuluxi wa kona. Moya-xiviri wu tiva N’winyi wa wona. Naswona Muhluri luya lonkulu wa matimba u swi khorwisile lahaya leswaku U na Matimba ya rifu, Matilo na tihele, na sirha.

⁴² Hakunene, swi nyanyula timbilu ta hina! U vulavula hi ku chaya mapani yo phamela, na ku chaya tinanga? Misava a yi fanele ku va yi ri eka jubili mixo lowu, kukotisa loko yi nga si tshamaka yi va kona, ku kalakala na ku huwelela ka vanhu va Yena, hikuva leri i siku ra xitsundzuxo laha A nga hlula nala wo hetelela, na ku hi ntshuxa hina vakhomiwa.

⁴³ Ina, A ri Munhu. Sweswo hi swona. U swi khorwisile ku va a ri Munhu, naswona U swi khorwisile ku va a ri Xikwembu. Vusiku byin’wana loko . . .

⁴⁴ Lwandle lerikulu leri levaka, leri nga vitana magidi-gidi ya vutomi. Kumbexana van’wana va n’wina vamanana lahwani, mixo lowu, vafana va n’wina va ferile elwandle leri levaka kwalahaya, kumbexana va mbomberile ehansi ka magandlati etimbeleni leti anameke ta nyimpi ya misava leyi. Van’wana va varhandziwa va n’wina va ettele ehandle lahaya, kumbexana ehansi ka lwandle.

⁴⁵ Kambe vusiku byin’wana loko A ettele endzeni ka xikwekwetsu lexintsongo, naswona magandlati a ya ri karhi ya ya hala-na-hala elwandle, kukotisa xipfalo xa bodlhela. U pfukile, kutani a tlhandleka nenge wa Yena ehenhla ka khumbi ra xikwekwetsu. U langutile ehenhla ku kongoma eTilweni, kutani a ku, “Ku rhula.” Kutani eka magandlati, U te, “Miylan!” Kutani lwandle leriya ra matimba ri ololokile kukondza ku pfumaleka ku khonyana eka rona. Hakunene, A ri yena!

⁴⁶ I ntiyiso leswaku A khomiwa hi ndlala kukotisa Munhu. Loko A xika ku suka entshaveni naswona A ri na ndlala, a ri karhi a lava swin'wana swo dya ehenhla ka nsinya, A ri Munhu. Kambe loko A ta teka swinkwa leswiya swa ntlhanu na tihlampfi tintsongo, kutani a phamela ntlhanu wa magidi, A ri la tlulaka Munhu.

⁴⁷ Loko A ta fa eka khumenkaye wa madzana ya malembe lawa ya nga hundza, tolweni, a ri karhi a lenga-lenga exihambanweni, a ri karhi a kalakalela ntsetselelo, "Xikwembu xa Nga, Xikwembu xa Nga, xana U Ndzi tshikele yini?" U file kukotisa Munhu. Kambe khumenkaye wa madzana na malembe man'wana lawa ya nga hundza, mixo lowu, U swi khorwisile leswi A ri swona! U nyikile xilemo xo hetelela xa vumesiya bya Yena loko A handzurile mabanti ya rifu na tihelle, kutani a pfuka ku suka esirheni, a hlurile, "Ndzi hanya hi masiku na masiku! Nakona, hikuva Ndza hanya, na n'wina ma hanya!"

⁴⁸ Hi luya Muhluri! U vulavula hi ku tlurhula tifasikoti na ku ti ndziwuluta-ke? Vanhu va vula leswaku ha penga hikuva ha huwelela naswona ha tsutsuma, naswona ha kalakala na ku huwelela. A va se tshama va twa ku rhurhumela ka ku hlula ka Tilo, leswaku, "Nyimpi yi herile!" Nkulukumba wa hina, Muhluri wa matimba u winile ku hlula kun'wana na kun'wana! U yima a ri yexe, mixo lowu, a nga khumbhiwanga!

⁴⁹ Loko A ta emisaveni, va N'wi nyikile vito ra le hansi ku tlurisa leri a va ta N'wi nyika rona, tanahi "xifamona." Va N'wi vitanile *Beelzebub*, "hosana ya madimona." Sweswo swi lulamile. U yile edorobeni ra le hansi ku tlurisa leri nga kona emisaveni, Yeriko, naswona wanuna lontsongo ku tlurisa edorobeni a boheka ku langutisa ehansi ku va a ta N'wi vona. Kambe loko Xikwembu, khumenkaye wa madzana wa malembe lawa ya nga hundza, xi N'wi pfuxile! Sweswo hileswi vanhu va nga N'wi endla swona. Kambe, hi xitlhavatlhavani xa rirhandzu, U hlurile javulosi un'wana na un'wana.

⁵⁰ Nakona Xikwembu xi N'wi tlakuserile ehenhla swinene, na ku N'wi nyika Vito leri nga ehenhla ka vito rin'wana na rin'wana leri nga thyiwa eMatilweni nale misaveni. Vito rin'wana na rin'wana eTilweni ri khinsamela Vito ra "Yesu"! Ntsumi yin'wana na yin'wana, hosi yin'wana na yin'wana, xin'wana na xin'wana xi khinsamela Vito ra "Yesu"! Ririmini rin'wana na rin'wana ri ta n'wi vula Yena, tsolo rin'wana na rin'wana ri ta N'wi khinsamela. Nakona U tlhandlukerile ehenhla swonghasi, kukondza na Yena a boheka ku languta ehenhla ku va a kota ku vona Tilo. Yaloye i Muhluri wa matimba! Yaloye hi Loyi a nga swi endla! Loko a famba emisaveni, endzhaku, vusiku lebyi nga hundza hi vile na swona, A ri na swilotlela swa rifu na tihelle swi ri karhi swi lengalenga etsheveni ra Yena, amen, "Mi nga chavi, hi Mina Loyi a file, nakona ndza hanya sweswi hi masiku na masiku. Nakona"

(*nakona i rihlanganisi*) “Ndzi na swilotlela swa rifu na tihele, swi lengalenga kona *kwala*.” U vulavula hi mayelana na Muhluri! “Nakona, hikuva Ndzi hlurile, ntsena Ndzi endlile gondzonkulu ra ku va mi famba hi rona.”

⁵¹ Munhu u ariwile ku suka eTilweni, gondzonkulu ri pfariwile. A ku nga ri na gondzonkulu. Kambe, laha a ku nga ri na gondzonkulu, U tile a ta endla rin’we. Oho, mina! Ntila wo rhanga a ku ri madimona ya ku kanakana, lowu a wu landzela a ku ri rivengo, lowu a wu landzela a ku ri vuciva; misava leyi a yi phutseriwile hi mintila ya matimba ya madimona; ku landzela vuvabyi, mavabyi. Kambe loko A ta sungula ku tlhandlukela ehenhla eTilweni! Vusiku lebyi nga hundza hi vile na Yena a ri karhi a humela ehandle ka tihele, na swilotlela swa rifu na tihele etsheveni ra Yena. Emixweni lowu hi le ku N’wi tekeleni ehenhla. Haleluya! Loko A pfuka, A ri na . . . A hlurile. Nakona, loko A ya ehenhla, U tshovelerile matimba hinkwawo ya madimona lawa ya fumaka ehenhla ka vanhu. U tlhandlukerile eHenhla-henhla, na ku nyika tinyiko eka vanhu, tinyiko ta Moya lowo Kwetsima. Muhluri wa matimba! U yima a ri yexe, mixo lowu! Nakona, exikarhi ka Yena na mupfumeri un’wana na un’wana, ku na gondzonkulu leri katekeke ra vukwetsimi leri lava lulameke va nga ta famba eka rona. Ku hava ndlela yo baleka hi yona. Ku na ntila wun’we ntsena lowu nga tsemeriwa ehansi ku suka eVukwetsimelweni. U siyile Minkondzo ya Ngati loko A ri karhi a famba eka maphacisi ya matimba ya madimona, naswona u hi endlerile gondzonkulu, ndlela hinkwayo. U tshamile le Henhla-henhla, mixo lowu, tanihi Muhluri wa matimba!

⁵² Vanhu va Yena va na Jubili. Makume ya magidi ya vona, ku rhendzeleka na misava, va le ku huweleleni ka ku hlula.

⁵³ Ndzi hlalerile ku tihlanganisa ka kereke leyi ya khale yo titimela ya ximfumo. Ndzi nga ha anakanya hi un’wana la vulaka leswaku . . . Ndzi ta ku komba ku cukumetiwa ka yona.

⁵⁴ Lahawani, xikan’we-kan’we loko Nyimpi yo Rhanga yi herile, hungu a ri ri karhi ri rhelela hi gondzo lahawani, ri nghena endzeni ka bazi ra Greyhound. Va te, “Xana i huwa ya yini liya hinkwayo-ke? Xana yi hi mayelana na yini-ke?”

⁵⁵ Kutani un’wana wa vona a ku, “Langutisani lahawani, hi leri phepha. Nyimpi ya ha ku hela.” Nakona munhu un’wana na un’wana a ri karhi a rila na ku huwelela.

⁵⁶ Kambe wansati un’wana u te, “Oho, mina, hikokwalaho ka yini yi fanele ku herisa xisweswo-ke?” A ku, “Loko a yi lo ya emahlwesi nkarhi wo lehanyana,” a ku, “Mina na John a hi ta va hi tshamile exitarateni xo olova.” A ku, “A hi ta va hi tshamile lahayaa.”

⁵⁷ A ku ri na wanuna la yimile endzhaku, eka xipili xa bazi; u kumile wansati luya, naswona kantsongo a n’wi cukumetile hi nyangwa. Kuteloko maphorisa ma khomile wanuna luya, a ku,

“Xivangelo xa ku va ndzi swi endlile,” a ku, “wansati luya a nga na munhu lahaya loyi a khumbheka hi mayelana na yena. Kambe ndzi na vafana vambirhi kwalahaya.” A ku, “A ndzi nga ta khoma mintlhaveko ya mina.”

⁵⁸ Oho, makwerhu! Ndzi na tatana kwalahaya. Ndzi na varhandziwa kwalahaya. I nchumu wun’wana eka mina, loko Yesu a hlurile. Ndzi na nsati. Ndzi na xihlangi. Ndzi na varhandziwa. Luya nkulu, Muhluri wa matimba! U nga ha ndzi vitana “muvumbuluki wo kwetsima” kumbe “xifamona xa vukhongeri,” swin’wana na swin’wana leswi u swi lavaka. Kambe, loko ndzi ehleketa hi nyimpi liya yikulu, swi tshamisekile, nxavo wu hakeriwile, ku hlula ku winiwile. Yesu u pfukile eku feni, xilemo xo hetelela xa vumesiya bya Yena, leswaku swi herile. Wa hanya, mixo lowu, na swilotlela swa rifu na tihelle. Ndzi na varhandziwa lava nga tsemakanya ndzilakano. Ndzi le gondzweni leri rikulu ra khale, ndzi ya eku va voneni. U nga ehleketi leswaku ndza penga. Oho, kambe ndzi tsakile swinene ku va swi tshamisekisiwile hinkwaswo! I ntirho lowu hetisiweke.

Eku hanyeni, U ndzi rhandzile; eku feni, U ndzi
ponisile;
Eku lahliweni, U rhwale swidyoho swa mina
ekule swinene;
Eku pfukeni, U ndzi lulamisile mahala hi
masiku;
Siku rin’wana U le ku vuyen, O siku ro
kwetsima!

⁵⁹ Nkhuvulo lowu katekisiweke wa khale wa Moya lowo Kwetsima, wa ku hi letela egondzweni leri ra khale ro hlamarisa, oho, hilaha Ri kwetsimaka hakona! Xana ndzi nga khomisiwa ku yini hi tingana hikwalaho ka Rona-ke? Ndzi yima na Mukwetsimi Paul, mixo lowu, ndzi ri karhi ndzi vula leswi, “A ndzi khomiwi hi tingana hikwalaho ka Evhangeli ya Yesu Kreste, hikuva hi Yona Matimba ya Xikwembu eku ponisiweni.” Hi yona Matimba ehenhla ka vuvabyi. Hi yona Matimba ehenhla ka rifu. Hi yona Matimba ehenhla ka sirha.

⁶⁰ Loko luya wa rilonz, muapostola wa khale a fika emakumu ka gondzo ra yena, naswona va cerile sirha ra yena ehandle lahaya, na loko rifu ri n’wi langutile exikandzeni, u hlekile kwale mombyeni wa rona. A ku, “Rifu, xana ndzhombho wa wena wu le kwihi? Sirha, xana ku hlula ka wena ku le kwihi?” Kutani u huwelerile ku dzuneka eka Xikwembu, “Kambe a ku khensiwe Xikwembu Lexi nga hi nyika ku hlula hi Hosi ya hina Yesu Kreste!”

⁶¹ Muhluri wa matimba ku tlurisa la nga tshama a hanya, Muhluri wa matimba ku tlurisa la nga tshama a fa, hikuva A ri Un’we ntsena loyi a ta hlula; a fa, na ku hlula rifu hi roxe, kutani

a pfuka nakambe hi ku hlula! U swi khorwisile leswi A ri swona. A ku ri xilemo xo hetelela xa vumesiya bya Yena.

⁶² Kutani sweswi, hi nkarhinyana, loko ku nga va na un'wana eka muako lowu mixo lowu, la nga xirho xa kereke lexi kufumelaka, naswona a nga wu tivi ntsako wa ku va nyimpi yi herile. Vanhu va huwelela, vanhu va tsaka, vanhu va rila! U ri, "Xana i mhaka muni hi vona-ke?" Va swi tiva leswaku i ntirho lowu nga hetisiwa. Hinkwaswo swi herile! Hakunene! Hi le ku [Makwerhu Branham a phokotela mavoko ya yena—Muhleri.] va ri eku chayeni ka tibende. Hi le ku pfurheteleni ka timhalahmala, naswona Evhangeli yi le ku yeni ehandle. Ku kwetsima na Matimba ya Xikwembu swa tiveka. Naswona i ntirho lowu hetisiweke, ntwanano wa ximfumo wu sayiniwile; ku kwetsima a ku ye eka Xikwembu, Kreste u wu sayinile hi Ngati ya Yena N'winyi! Nyimpi yi herile. Ku hlula ku winiwile. Andzi kalanga ndzi yi wina; Yena u yi winile! Ntsena ndzi tsakile hi mayelana na swona. Mina!

⁶³ Loko van'wana va vafana lavaya va ri karhi va vuya ku suka entsungeni wa malwandle, va ndzi byela leswaku, loko xikepe xi fika eNew York, ntsena loko xi fika ehlalukweni, va langutile lahaya kutani va vona Statue of Liberty. I nchumu wo sungula lowu u wu vonaka, wu tlakukele ehenhla. Va tlakusile, van'wana va vatokoti va khale lava lamaleke ehenhla ka khumbi ra xikepe, leswaku va ta kota ku xi vona. Kuteloko va sungula ku vona Statue of Liberty lexiya, va sungula ku rila. Va ririle. A va nga ta tikhoma. Vavanuna va kahle lavakulu va yimile, vavanuna lavakulu va mavoko yo khwaxa, va ri karhi va rhurhumela na ku tsekatseka. A va nga ta yi khoma mintlhaveko ya vona. Hikokwalaho ka yini? A ku ri mfungho wa ntshuxeko. Ntsena endzhaku ka Statue of Liberty lexiya, a ku tshamile... a ku ri na papa, mhani, varhandziwa, murhandziwa, nsati, n'wana, hinkwavo emisaveni leyi lava a va vula leswo rhandzeka eka vona, a va tshamile endzhaku ka xona. Nakona ntsena loko va nga se nghena, va swi lemukile leswaku, a ku ri tiko ra lava ntshuxeleke na kaya ra tinhenga. Hakunene, a swi ta ninginisa mintlhaveko ya wena, mujeko luwa wa khale lowu a wu haha. Ehleketa hi swona, mutokoti wa khale loyi a nga na swivati swa nyimpi loko a ta ehlalukweni! Hakunene, a ku ri nkarhi wo saseka.

⁶⁴ Kambe, oho, makwerhu, wun'wana wa mixo leyi, loko Xikepe xa khale xa Siyon xi ta pfuma, kutani ndzi vona mfungho luwa wu yimile lahaya, Xihambano xo khwaxa xa khale! Loko mimoya yi ri karhi yi hunga mijeko ya xona ya mpun'wa ya khale, loko xi ri karhi xi famba ku hundza eka hunguva ya rifu. I ku hlula ka njhani loku ku nga kona! Hikokwalaho ka yini, a swi hlamarisi ku va hi nga khomi mintlhaveko ya hina yi tshamiseka! Swin'wana swi humelerile; Hi hundzukile vaaka-tiko kolorhi. Nchumu wu hetisekile.

⁶⁵ Loko va ta anamisa biloho lerikulu exikarhi ka Australia N'walungu na—na—na Dzonga, ku suka eSidney, ku ya eSidney Dzonga. Hilaha munhu un'wana na un'wana a nga teka... Hikokwalaho ka yini, va yile etikweni hinkwaro, ku ringeta ku kuma munhu la nga ta swi endla. Ntirho luwa a wu ri wukulu swinene, hikuva va vurile leswaku a ku ri hava loyi a ta wu endla. Eku heteleleni, wanuna la humaka eNghilandhi u te, "Ndzi ta wu endla ntirho." Kuteloko a fika kwalahaya ku ya endla ntirho luwa, u kamberile bawuti rin'wana na rin'wana leri a ri nghena ebulohwensi. Nduma ya yena a yi ri ekhombiyeni. U kamberile ndzhope na hinkwaswo leswi a swi ya ehansi. U rhendzelekile, naswona lavo antswa ku tlurisa lava a ta va kuma; u kumile vamakhanikhi vo antswa ku tlurisa, vakhemisi vo antswa ku tlurisa, leswi antswaka ku tlurisa swa hinkwaswo leswi a ta swi kuma, ku rhendzeleka na yena. Kutani, eku heteleleni, loko biloho ri hetisekisiwile, kutani ku ta siku leri a ri fanele ku kamberiwa.

⁶⁶ Vasandzi va yimile etlhelo rin'we, kutani va ku, "A ri nge khomeleli. Ri ta tsekatsekela ehansi. Ku na sava ngopfu le hansi."

⁶⁷ Kambe u cerile ndlela, ndlela, ndlela yo ya ehansi. A ri na vutitshembhi. A swi tiva leswaku xilo xin'wana na xin'wana a xi kamberiwile. Nakona u te, "Ndzi ta endla rendzo ro rhanga ro tsemakanya, mina n'winyi." Kuteloko a ri karhi a famba ku tsemakanya biloho, emahlwensi ka meyara, endzhaku kukotisa sweswo; na switimela leswikulu, kwalomu ka ntsevu etlhelo na le tlhelo, swi ri karhi swi ta hi ku tsemakanya, swi ri karhi swi tsekatskisa biloho leriya. Wanuna lonkulu la nga ri endla, u fambilie emahlwensi ka nongonoko lowu, kukotisa leswi, "Loko ri wa, ndzi na rona." Kambe a ri na vutitshembhi.

⁶⁸ Yaleyi i ndlela leyi Hosi ya hina leyi katekeke yi nga swi endlisa xiswona loko Yi endla Kereke ya Yona! Yi kambela bawuti rin'wana na rin'wana, xin'wana na xin'wana lexi a xi nghena eka Yona, hikuva Yi fanele ku va yi hlantswiwile hi Ngati! Naswona un'wana wa vasandzi u yimerile etlhelo, a ku, "Ntlawa walowo wa vavumbuluki vo kwetsima, a va nge swikoti." Kambe rin'wana ra masiku lawa yo kwetsima! Loyi lonkulu, Muhluri wa matimba u famba emahlwensi ka hina namuntlha, a hlrurile! Yi tshike yi rhurhumela, yi endla leswi yi swi lavaka, U ta... A ku nga vi na un'we a nga ta rheta eka yona, a ku na le helo, hikuva U endlile ndlela, na ku yi hetisekisa. Hakunene!

⁶⁹ Namuntlha hi ehleketa hi swipimelo swa vanhu, hi veka miehleketo ya hina eka swilo swa misava. Kambe u nge ndzi ku byela swin'wana, makwerhu, u nga pfuki u ndzi pfumelela ndzi khomiwa hi tingana hi Evhangeli! Oho, makwerhu, ntsena ndzi wa fexini ya khale, la tswariweke ravumbirhi, la nga tswariwa hi Moya lowo Kwetsima, hi Moya wa Xikwembu. Ndzi tswariwe

hi ndlela yaleyo, sweswo swi hinkwaswo leswi ndzi nga swona, na hinkwaswo leswi ndzi lavaka ku va swona.

⁷⁰ Nkarhi wun'wana, ku nga ri khale ngopfu, a ku ri na nhwanyana la nga ya exikolweni xa kholichi. Naswona a ri loyi a rhandzekaka, nhwanyana lontsongo. Kuteloko a vuyela ekaya, a vuyisa yin'wana ya mavonele ya yena ya xikolo xa kholichi na yena.

⁷¹ Kumbexana, mixo lowu, van'wana va n'wina a mi ri na mavonele ya n'wina ya le handle na n'wina. Kumbexana mi longile, ku ya ekerkeni, mavonele ya n'wina yo tala. Kunene, ya cukumeteni, i nichumu wo antswa ku tlurisa lowu ndzi tivaka ku wu endla.

⁷² Kutani nhwanyana loyi, loko xitimela xi yimile le handle. U tile na nhwanyana lontsongo, un'wana wa muxakanyana luwa wa madlakuta, ma swi tiva, kukotisa muxaka wa Elvis Presley. Kutani loko a ha yimile kwalahaya, ma swi tiva, exitimeleni. Mana wa yena a ri ehandle; mukhegula a yimile kwalahaya, a ri na swivati hinkwako, exikandzeni xa yena; lamantsongo, makatla yo voyama; a ambarile xirhokwana xa lapi ro khwaxa, na nxolo lowuntsongo emakatleni ya yena. Kutani xidlakutani lexi a xi ri na yena, nhwanyana loyi un'wana, u langutile ehansi, kutani a ku, "Kunene, xana i mani luya wo pfumala, xisiwana xa khale lexi langutekaka xi bihile-ke?"

⁷³ Kunene, ma swi tiva, swi xumbazile nhwanyana swinene, a ku, "A ndzi swi tivi," hikuva ntsena a nyuma swinene, nakona a ri na mavonele yo tala ya swa misava enhlokweni ya yena. Nakona a ku ri mana wa yena.

⁷⁴ Loko a chikile exitimeleni, manana lontsongo wa mukhegula u tsutsumerile kona, ku ya n'wi vukarha hi mavoko ya yena. A ku, "Oho, murhandziwa, Xikwembu xi katekisa ximbilwana xa wena." Nakona u hundzulukile a sungula ku fambela ekule, tanahi loko a nga n'wi tivi. A xumbazekile, hikuva mana wa yena a bihile swonghasi.

⁷⁵ Nakona swi humelerile leswaku, mupfuneti wa xitimela xexo, a xi tiva xitori. U yile ku rhendzeleka lahaya, kutani a tlhandleka mavoko ya yena ekatleni ra nhwanyana luya, a hundzuluxa emahlweni ka vayingiseri, a ku, "Wa nyumisa! Wa nyumisa!" A ku, "Ndzi wu vonile nkarhi lowu mana wa wena a ri ka khume hi ku saseka ku tlula leswi u nga xiswona." A ku, "A ri tano. A ndzi tshama emugangeni." Kutani a ku, "A wu ri xihlangi lexintsongo, naswona a wu ri exithezini emubedwени wa wena wa vana. Nakona mana wa wena a ri karhi a neka swiambalo ejarateni ra le ndzhaku." Kutani a ku, "Xikan'we-kan'we, xitiko xi khomile ndzilo, kutani yindlu hinkwayo yi pfurha. Kuteloko mana wa wena lontsongo a tsutsumela kona, na ku va a swi tiva leswaku a wu ri exithezini, le henhla." A ku, "Va kalakarile, na ku ringeta ku n'wi vutla. Kambe u tlurhule leswi a

ri na swona, swi suka, kutani a tsutsuma eka malangavi lawaya, ehenhla ku ya exithezini; kutani a koka swiambalo swa yena ku suka emirini wa yena, kutani a ku phutsela eka swona. Hiloko a ta, endzhaku ku hundza eka malangavi, a ku tlakurile. Nakona u titivarile, ejarateni, nakona wena a wu ri emavokweni ya yena.” Kutani a ku, “U tekile leswi a swi ta va swi n’wi sirhelerile, kutani a sirhelela wena.” Kutani a ku, “Xivangelo xa ku va u sasekile namunthha, xexo hi xona xivangelo xa ku va yena a bihile. Kutani, u vula ku ndzi byela, leswaku u nga khomiwa hi tingana hi swivati leswiya swi nga eka mana wa wena-ke?”

Ndzi ehleketa namunthha:

Loko Yesu a rhwala xihambano a ri yexe,
Kutani misava hinkwayo yi famba yi
ntshuxekile-ke?
Ku na xihambano xa un’wana na un’wana,
Naswona ku na xihambano xa mina.

⁷⁶ Loko Yesu a tekeriwe enhlokweni tanahi “Beelzebub,” hi misava leyi, A hlekiwile na ku hlekuriwa, naswona a nembelela exihambanweni, na ku khomisiwa tingana, hikwalaho ka mina; ndzi swi tsakela ku tlurisa ku rhwala xisolo xa ku kwetsima ka Yena. Ina, nkulukumba, swi vitaniwa “muvumbuluki wo kwetsima,” hambi u lava ku swi vitana yini, hambi u lava ku vula yini. Sweswo a swi swi yimisi na swintsongo. Ntsena ndzi tsakile, mixo lowu, leswaku, embilwini ya mina, Kreste la nga pfuka eku feni wa hanya na ku fuma. Ndzi un’wana wa malandza ya Yena. Ndzi tshembha leswaku u tano, na wena.

⁷⁷ Nkarhi wa hina wu fambile sweswi. I awara ya nkombo ehenhla ka nhloko, laha hi nga vula leswaku hi ta ntshuxa. Mintirho yo ya emahlweni yi ta sungula hi kwalomu ka tiawara timbirhi, sweswi, hi hafu ku bile awara ya nkaye.

A hi korhamiseni tinhloko ta hina, ntsena xinkadyana, eka xikhongelo.

⁷⁸ Tatana wa le Tilweni la katekeke, makumemune-ntlhanu wa timinetse ti hundzile, Rito ri yile emahlweni. Timbilu ta hina ti tsakile. Jubili yi kona; ku nga ri jubili ya siku rin’we ntsena, kambe jubili ya hilaha ku nga Heriki! Evukwetsimelweni, Tintsumi ti le ku yimbeleleni. O Xikwembu, Kereke, leyi hluleke, yi le ku yimbeleleni. Swingelengele swa ntsako swi le ku rileni. Mimoya-xiviri leyi nga tshama yi avanyiseriwa rifu, na ku fa na ku ya esirheni; javulosi u hluriwile! Rifu ri hluriwile. Sirha ri hluriwile. Vuvabyi byi hluriwile. Xiyilayila xi hluriwile. Lunya ri hluriwile. Rivengo ri hluriwile. Ku hambana ku hluriwile. Ku sihalala ku hluriwile. Ku va na switayele swa hina ku hluriwile. Hinkwaswo swi hluriwile. Kreste i Muhluri lonkulu!

Hi sweswo, vonani Muhluri wa matimba, (ku vule muphati)
 Hi sweswo, N'wi voneni erivaleni leri nga pfuleka,
 Hikuva hi Yena Muhluri wa matimba,
 Hi mpfhuka ka loko A handzurile xifunengeto hi le xikarhi.

⁷⁹ U handzurile xifunengeto lexiya a xi fihla vanhu eka Xikwembu, kutani sweswi Xikwembu xi tshama exikarhi ka vanhu. U handzurile xifunengeto lexiya a xi sivela ku horisa ka Xikwembu. U handzurile xifunengeto lexiya a xi sivela nkateko wa Xikwembu. U handzurile xifunengeto lexiya a xi sivela ntsako wa Xikwembu. U handzurile xifunengeto lexiya a xi sivela ku rhula ka Xikwembu. Sweswi xifunengeto xi handzuriwile hi le xikarhi. Hi Ngati ya Yena N'winyi, U fambile tanihi Muhluri! Nyimpi yi herile, U swi khorwisile eka hina hi ku pfuka ka Yena eku feni. Nakona sweswi Moya lowo Kwetsima i mbhoni, leyi nga rhumiwa ku ta hi letela.

⁸⁰ O Xikwembu lexi nga Heriki, loko ku nga va ku ri na un'wana lahawani mixo lowu, loyi a nga ti hetela nkarhi, endzeni na le handle, ku suka eka gondzonkulu, a wela etlhelo ka ndlela; a nga si tshama a famba hi ku lulama exikarhi, na tinenha letikulu, tinenha letikulu leti nga kandziya exikarhi ka gondzonkulu; ha khongela, mixo lowu, leswaku va ta nyiketa hinkwaso swa vona eka Wena, na ku huma va ta tiphina hi ku hlula lokukulu loku nga winiwa hi Hosi ya hina leyi nga pfuka. Hi nyike swona, Tatana, hikuva hi swi kombela hi Vito ra Kreste.

⁸¹ Loko ha ha korhamisile tinhloko ta hina. Ndza tivutisa, eka xinkadyana lexi xa nkarhi, leswaku loko mi nga yimisela mavoko ya n'wina eka Kreste, kutani mi ku, "Kreste, ndza khensa, ndzi nge pfuki ndzi khomisiwile tingana hi Wena nakambe. Ndzi vile na ku nyumanyana." Xikwembu xi ku katekisa, manana. Xikwembu xi ku katekisa, nkulukumba. Xikwembu xi ku katekisa na wena. Oho, mina, mavoko ya le ku fambeni hinkwako! "Ndzi vile na ku nyumanyana. Ndzi vile na tigananyana. Nakona ndza yi vona ndzhawu ya mina sweswi. A ndzi nga fanelanga ndzi swi endlile leswiya. Ndzi ta yimela ehandle, ndzi nyika vumbhoni bya mina! Ndzi fanele ku va sweswo hi ku kongoma. Ndzi fanele ku byela un'wana na un'wana, 'Ndzi tswariwile ra vumbirhi.' Ndzi fanele ku byela un'wana na un'wana, 'Ndzi amukerile Moya lowo Kwetsima.' A ndzi na tingana hi Evhangeli, hikuva hi Yona Matimba ya Xikwembu eka ku ponisiwa. Ndzi lava ku va Mukreste wa xiviri la titshembhaka. A ndzi va nga tano. Kambe, hi ku pfuniwa hi Xikwembu, ku sukela hi mixo lowu wa Paseka, ndzi ta va tano. Ndzi ta va tano" Un'wanyana a yimise voko ra yena sweswi loko hi nga si khongela? Xikwembu xi ku katekisa, wena, wena.

⁸² Mina, langutisa swiboho! Ku nga ri ehansi ka makumembirhi-ntlhanu kumbe makumenharhu, lava nga tshama exikarhi ka ntlawa lowuntsongo wa vanhu mixo lowu, va endlile xiboho. Ku sukela eka mixo lowu wukulu wa ku hlula, va ya eku, hi tintswalo ta Xikwembu, ku yima ehandle nakona va nga vi na tingana hi Evhangeli, hikuva hi Yona Matimba ya Xikwembu eka ku ponisiwa.

⁸³ O Xikwembu, tanahi leswi mavoko lawa ya nga ya ehenhla, naswona vuyimbeleri byi le ku endleni ka ngulumelo wu vuyela endzhaku ku rhelela hi gondzo, tanahi leswi hi nga hundza ku suka eku feni ku ya eVuton'wini, hikuva Wena u te, "Loyi a yingisaka Marito ya Mina, naswona a pfumela eka Loyi a nga Ndzi rhuma, u na Vutomi lebyi tshamaka hi masiku." Va hundzile eku feni ku ya eVuton'wini, hikuva U hundzukile rifu leswaku va ta hundzuka Vutomi, hi ku pfuka ka Wena eku feni. U endliwile u va ehansi ka Tintsumi, u xikela ehansi ku ta va munhu, u humela ehandle ka miri luwa wukulu wa Rito ku suka eNdzhandzeni, lowu nga endliya nyama; naswona wu vile na Ngati, u thlela u halata Ngati yaleyo, leswaku U ta endla ndlela yo baleka hi yona eka hina hinkwerhu. Nakona a swi endlanga sweswo ntsena, (hi swi hlayile eBibeleni), kambe U swi khorwisile, hilaha ku nga tsandzekiki, hi ku pfuxa eku feni, na ku pfuxa vafi loko U ri kwala misaveni; ku nga ri sweswo ntsena, kambe U nyikile, U swi endlile xikhoriwiso hi kambirhi, tanahi laha U nga swi endla eka Abraham; sweswi, ehandle ka sweswo, U rhumerile Moya lowo Kwetsima endzhaku tanahi mbhoni. Nakona hi na Vukona bya Wona lebyo kateka na hina, na le ndzeni ka hina, byi ri karhi byi hi letela, byi hi yisa eka Ntiyiso na ku Vonakala hinkwako.

⁸⁴ Ha Ku khensa hikwalaho ka mavoko lawa ya nga ya ehenhla, mixo lowu, lawa ya nge, "Sweswi ndzi teka Kreste tanahi wa mina." O Xikwembu, loko va nga si tshama va khuvuriwa endlzeni ka mati, ku kombisa rifu lerikulu, ku lahliwa, na ku pfuka eku feni ka Hosi leyi katekeke, ingaku va nga vuyela endzhaku exikhongelweni mixo lowu, va ri karhi va tisa swiambalo swa vona, na ku lunghekela ku ya ehansi exidziveni lexi xa ayisi. Hi nyike swona, Tatana.

⁸⁵ Hi katekise. Hi rivaleli swidyoho swa hina. Hi ta ku nyika ku dzuneka, eka tinguva leti ta ha taka. Loko nyimpi yi herile, loko musi wu omile hinkwawo; na ntsako wu herile hinkwawo, wa milomo leyi ya misava laha hi dzunisaka Wena hi hinkwaswo leswi hi nga na swona, hi ta va na marito lamantshwa, switumbuluxiwa swintshwa, swa ku Ku dzunisa hi yona. Ingaku hi nga nghena hi ntsako. Hikuva hi swi kombela hi Vito ra Kreste. Amen!

⁸⁶ A hi yimeni hi milenge ya hina sweswi . . . ? . . . Mi nga rivali swikhongelo, hafu ku bile awara ya nkaye. Fambani ekaya, mi va na ku fihlula ka n'wina. Mi tlhela mi vuya, hi langutele ku va na

n'wina sweswi. Kutani vusiku lebyi, mi tsundzuka. Ndzi fanele ku ya ekule ndzhengha lowu, ku ya hlaya na ku khongela.

⁸⁷ Hikuva ndza mi byela, leswaku, Kreste wa hanya, A nga fanga. Nakona ndza pfumela, hi mbilu ya mina hinkwayo, U ta va kona kwala emuakweni lowu vusiku lebyi, ku ta kombisa leswaku Wa hanya, ku ta endla swilo leswi fanaka leswi A nga swi endla eka Paseka liya yo rhanga na le rendzweni ra Vutomi bya Yena. Loko sweswo swi nga ri tano, kutani ndzi vile muprefeta wa mavunwa. Ndzi tsakile swinene ku va ndzi swi tiva, eka awara leyi yo dzwihala leyi hi hanyaka eka yona sweswi, loko ntshembho hinkwawo, swi tikombaka, wu fambile; Kreste, Ribye lero tiya leri hi nga yimaka eka rona, misava leyin'wana hinkwayo i sava leri mbombomelaka. Hi swona.

⁸⁸ Ra hina lerintsongo, risimu ra ku ntshuxa, ra ku *Tekani Vito Ra Yesu Mi Famba Na Rona*. Un'wana na un'wana, swin'we sweswi.

Tekani Vito ra Yesu mi famba na rona,
N'wana wa nhlomulo na khombo;
Ri ta mi nyika ntsako na . . .

⁸⁹ Hundzuluka hi ku rhendzeleka, kutani u qhavula mavoko, u ku, "Dzunisa Hosi," eka un'wana la nga kusuhi na wena. [Makwerhu Branham a qhavulana mavoko na van'wana, a titsakela na ku vula leswaku, "Dzunisani Hosi!"—Muhleri.]

Ntshembho wa misava na ntsako wa le Tilweni;
Vito ro hlawuleka, O hilaha ri tsokombelaka
hakona!
Ntshembho wa misava na ntsako wa le Tilweni.

⁹⁰ Sweswi un'wana na un'wana a langute haleno? Ntsena a hi Yi dzuniseni. Ntsena a hi tlakuseleni mavoko ya hina ehenhla, kutani hi ku, "Ndza Ku khensa, Hosi, ku va u ponisile moyaxiviri wa mina." Hi swona, un'wana na un'wana!

Ndza Ku khensa, Hosi, ku va u ponisile moyaxiviri wa mina.
Ndza Ku khensa, Hosi, ku va u ndzi endlile la hetisekeke.
Ndza Ku khensa, Hosi, ku va u ndzi nyikile,
Ku ponisa ka wena lokukulu ko tala swonghasi na ku va mahala.

⁹¹ I nchumu wo kateka njhani! Xana ma Yi rhandza-ke? Mi nge, "Amen." [Nhlengeletano yi ku, "Amen. Amen."—Muhleri.] Oho, swi . . . Hinkwaswo swi hetisekile sweswi, vana. Hinkwaswo swi herile, a ka ha ri na nyimpi yin'wana, a ka ha ri na ku lwa kun'wana, a ku na nchumu lowu mi faneleke ku wu endla; wu endliliwile khale. Ntsena ha tlangela! Oho, mina! Hi helerile, eka Yona!

. . . ku tiseketela,
 Ku hlayiseka na ku sirheleriwa eka swirilo
 hinkwaswo;
 Ku tiseketela, ku tiseketela,
 Ku tiseketela eVokweni leri nga heriki.

Oho, swi tsokombela njhani ku famba hi ndlela
 leyi ya vuendzi,
 Ku tiseketela eVokweni leri nga heriki;
 Oho, ku vangama ka ndlela ku kula siku na
 siku,
 Ku tiseketela eVokweni leri nga heriki.

Ku tiseketela, ku tiseketela,
 Ku hlayiseka na ku sirheleriwa eka swirilo
 hinkwaswo;
 Ku tiseketela, ku tiseketela,
 Ku tiseketela eVokweni leri nga heriki.

Wena loyi u nga swi kotaka, na ku va u ri na xidukwana, xi
 humeseli ehandle.

. . . oho, ku tiseketela,
 Ku hlayiseka na ku sirheleriwa eka swirilo
 hinkwaswo;
 Ku tiseketela, ku tiseketela,
 Ku tiseketela eVokweni leri nga heriki.

Sweswi Bibebe ya wena!

Ku tiseketela, ku tiseketela,
 Ku hlayiseka na ku sirheleriwa eka swirilo
 hinkwaswo;
 Ku tiseketela, ku tiseketela,
 Ku tiseketela eVokweni leri nga heriki.

⁹² Xana i yini? Ku hlayiseka na ku sirheleleka, hinkwakonkwako, hinkwaswo swi hetisiwile, nyimpi yi herile, xilemo xo
 hetelela xi lemuriwile, Yena u tlhandlukile. Haleluya!

Ku tiseketela, ku tiseketela,
 Ku hlayiseka na ku sirheleriwa eka swirilo
 hinkwaswo;
 Ku tiseketela, ku tiseketela,
 Ku tiseketela eVokweni leri nga heriki.

⁹³ Sweswi a hi korhamiseleni tinhloko ta hina ku kongomana
 na ntshuri laha Xikwembu xi hi tekeke kona, laha siku rin'wana
 hi nga ta tlhandlukela ehandle ka ntshuri wa misava. Hikuva,
 Hosi ya hina, yi humesiwile entshurini, yi nghena entshurini; ku
 hi nyika Moya wa Yona lowu nga riki na ku fa, Yi tlhandlukile
 ku suka entshurini. Naswona hinkwavo lava nga eka Yona, va
 ta tlhandluka na Yona siku rin'wana, ku ya eswivandleni leswi
 katekeke.

⁹⁴ Tanihi laha hi korhamiseke tinhloko ta hina. Ndzi vona Makwerhu Smith exikarhi ka hina, mixo lowu, mufundhisi wa Church of God; u ndzi foyinerile vusiku lebyi nga hundza. Makwerhu Smith, xana u nga humela ehandle. Ndza tivutisa sweswi, loko Makwerhu Smith a nga hi ntshuxa hi rito ra xikhongelo. Tanihi laha mi hatliselaka emakaya ya n'wina, na ku ya va na xifihlulo. Mi vuyela endzhaku eka ntirho wa Xikolo xa Sonto, na ntirho wa ku khuvula, wu sungula xikan'we-kan'we hi hafu ku bile awara ya nkaye. A hi korhamiseni tinhloko ta hina, loko Makwerhu Smith a hi ntshuxa hi xikhongelo.



MUHLURI LONKULU WA MATIMBA TSO57-0421s
(The Great And Mighty Conqueror)
SERISI YA MPFUXELELO WA PASEKA

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo wa Paseka hi ku huma ka dyambu, Dzivamisoko 21, 1957, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org